



ДОМ НАРОДА  
ПРЕДСТАВНИЧКИ ДОМ

DOM NARODA  
PREDSTAVNIČKI DOM

Зajедничка комисија за људска права

Zajednička komisija za ljudska prava

Zajedničko povjerenstvo za ljudska prava

Broj: 03/6-50-14-12-50/18

veza: 01.02-02-1-2568/17

Sarajevo, 19.3.2018.

Stamp: BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO

|                        |                       |            |              |
|------------------------|-----------------------|------------|--------------|
| PRIMLJENO: 20-03-2018  |                       |            |              |
| Organizaciona jedinica | Klasifikaciona oznaka | Redni broj | Broj priloga |
|                        |                       |            |              |

Handwritten: 1345, R

**PARLAMENTARNA SKUPŠTINA BOSNE I HERCEGOVINE**  
**- PREDSTAVNIČKI DOM**  
**- DOM NARODA**

Na osnovu člana 120. st. (2) i (3) Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15) i člana 111. st. (2) i (3) Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16), **Zajednička komisija za ljudska prava** podnosi

**IZVJEŠTAJ**

**o Prijedlogu zakona o izmjeni i dopunama Zakona o ombudsmenu  
za ljudska prava Bosne i Hercegovine**

**I. Hronologija**

Vijeće ministara BiH je na 113. sjednici, održanoj 5.9.2017., utvrdilo Prijedlog zakona o izmjeni i dopunama Zakona o ombudsmenu za ljudska prava Bosne i Hercegovine (u daljem tekstu: Prijedlog zakona), te ga 25.10.2017. godine uputilo Parlamentarnoj skupštini Bosne i Hercegovine na razmatranje po osnovnom zakonodavnom postupku. Ministarstvo za ljudska prava i izbjeglice BiH je 30.10.2017. godine dostavilo ispravljeni Prijedlog zakona, uz napomenu da prethodno dostavljeni povlače iz procedure. Prijedlog zakona zaprimljen je pod brojem: 01,02-02-1-2568/17 od 30.10.2017. godine.

Zakonodavno-pravni sektor Parlamentarne skupštine BiH je 3.11.2017. godine dostavio mišljenja Kolegiju Predstavničkog doma i Kolegiju Doma naroda, kao i ustavnopravnim komisijama oba doma Parlamentarne skupštine BiH, u kojima je utvrđena usklađenost s odredbama poslovnika oba doma Parlamentarne skupštine BiH, te u kojima je konstatirano da Prijedlog zakona svojom strukturom, formom i stilom prati tekst Zakona o ombudsmenu za ljudska prava BiH, dok se primjedba na neusklađenost s odredbama Jedinствених правила за израду правних прописа у институцијама БиХ дала на cjelokupan tekst Zakona.

Ustavnopravna komisija Predstavničkog doma na 55. sjednici od 14.12.2017. godine, a Ustavnopravna komisija Doma naroda na 43. sjednici od 21.12.2017. godine, utvrdile su da je Prijedlog zakona usklađen s Ustavom BiH i pravnim sistemom BiH. Zajednička komisija za ljudska prava (u daljem tekstu: Zajednička komisija), koja je određena kao nadležna na 57.

sjednici Kolegija Predstavničkog doma od 14.11.2017. godine i na 54. sjednici Kolegija Doma naroda od 7.12.2017. godine, prihvatila je principe Prijedloga zakona većinom glasova. Predstavnički dom je na svojoj 55. sjednici održanoj 14.12.2017., 17.1.2018. i 31.1.2018. godine usvojio Prijedlog zakona u prvom čitanju.

Dom naroda je na svojoj 36. sjednici, održanoj 20.2.2018. godine, usvojio Prijedlog zakona u prvom čitanju.

## II. Rasprava i odlučivanje u drugoj komisijskoj fazi

Zajednička komisija je, u svojstvu nadležne komisije, na 50. sjednici od 19.3.2018. godine, razmatrala Prijedlog zakona u drugoj fazi.

Konstatirano je da je na Prijedlog zakona, u skladu s članom 118. Poslovnika Predstavničkog doma i članom 110. Poslovnika Doma naroda, dva amandmana uložila delegatkinja Ljilja Zovko, koje Zajednička komisija, nakon provedene rasprave, nije usvojila.

U skladu s članom 54. stav (2) i članom 119. stav (4) Poslovnika Predstavničkog doma, odnosno članom 44. stav (2) i članom 110. stav (4) Poslovnika Doma naroda, Zajednička komisija sa 5 glasova „za“, bez glasova „protiv“ i 2 glasa „suzdržan“, **nije usvojila** Prijedlog zakona.

U skladu s članom 120. stav (1) Poslovnika Predstavničkog doma, odnosno članom 112. stav (1) Poslovnika Doma naroda, kao razlozi odbijanja Prijedloga zakona navedeni su pitanje harmonizacije propisa, odnosno pitanje primata Zakona o ombudsmenu za ljudska prava BiH nad propisima na nivou entiteta, posebno u kontekstu zakona o izvršenju krivičnih sankcija (član 2. Prijedloga zakona), te komplicirana rješenja u smislu procedure razmatranja budžetskih zahtjeva Institucije ombudsmena (član 4. Prijedloga zakona).

Na osnovu člana 122. Poslovnika Predstavničkog doma i člana 113. Poslovnika Doma naroda, Zajednička komisija je za izvjestioca na sjednici Predstavničkog doma odredila Borislava Bojića, a za izvjestioca na sjednici Doma naroda Halida Genjca.

Dostavljeno:

- naslovu
- a/a

